



САМУРДИН

СЕЕ

«Магъарамдхуьруьн район» МР-дин
общественно-политический газет.
Общественно-политическая газета
МР «Магъарамкентский район».

ГОЛОС САМУРА

Газет 1951- йисалай акъатзава. № 32 (8067) киш, 7- август, 2021- йис. Къимет 6 манат

ГАТУН КІВАЛАХРИЗ - ЙИГИН ЕРИШАР

БЕГЪЕРАР КІВАТІУН ДАВАМ ЖЕЗВА

ХУЪРУЪН майишатдин хел райондин экономика вилик тухузвай къилин хилерикай сад я. Магъарамдхуьруьн районда хуьруьн майишатдин хиле гъасилзавай продукция райондилай къеце патарани раиж я. Алатай йисан делилрай малум хъайивал, республикадин базарриз еридин продукция агакъарзавай кІвенкІвечи районрин жергеда чи районни авай. Райондин аграрияр патал къуьд, гад чуьллера, багълара кІвалах ргазва. Са къадар емишар, майваяр кІватІнаватІани и жигъетдай кІвалах давам жезва.

ИкІ районда, алай йисан ирид вацран вахтунда 800 гектардай 1720 тонн техил кІватІнава. Яни са гектардай 21.5 центнер техил хъанва. 28720 тонн алафар кІватІнава, абурукай 28050 тонн векьер ва 670 тонн самар я.



Емишрал гъалтайла цІинин йис бегьерлуди хъана лагъайтІа жеда. Вири санлай 6918 тонн емишар ва 6400 тонн цил авай емишар кІватІнава. 110 тонн машмашар, 350 тонн пІеняяр ва 5940 тонн алучаярни хутар хъанва. Цил авай емишрик акатзавай 77 гектар багъларайни 518 тонн емишар кІватІнава. Абурукай 273 тонн ичер ва 245 тонн чуьхверар я.

Майвайрикай рахайтІа 6400 тонн кІватІнава ва бегьерар кІватІунин

кІвалахар давам жезва. ГъакІни районда къенин юкъуз 459 тонндив агакъна къарпузар ва гатун халияр кІватІнава.

Алатай йисан гъа и вахтунин делилрив гекъигайла, райондин аграривай цІинин йисуз бегьерлувал са къадар хкажиз алакьна. ИкІ, 2021- йису техилар 40 тонндин, емишар 4436 тонндин, майваяр 3060 тонндин ва халийрин саларин емишар 50 тонндин артух хъана.

А. АЙДЕМИРОВА.

ЧИ РАЙОНЭГЛИЯР - ГЪАР САНА

БУБАДИЛАЙ ЧЕШНЕ КЪАЧУНА

УЪЛКВЕДИН кеферпатан меркез яз гьисабзавай Санкт-Петербургдадин мулкара фадлай чпин квал-югъ кутунвай лезгийр гзаф ава. Абуру чеб жуьреба-жуьре рекьерай къуллугъар къилиз акъудиз алакьзавай гьакъисагъ зегьметдин сагъибар яз, акъалтзавай несилриз чешнелу векилар яз къалурзава. Алимрилай, духтуррилай, карчийрилай, эцигунардай устларрилай гъейри, асантди тушир малимвилин пешедай кваллахзавайбурни авай. Заз вичикай ихтиллатиз кланзавай Жонрид Феридович ВАГЪАБОВНИ члехи шегьерда малимвиле кваллахзавай чи ватанэгълия.


ЖОНРИД Вагъабов 1982-йисан 5- февралдиз Магъарамдхуьруьн райондин Советский хуьре малимдин хизанда дидедиз хъана.

Инал адан буба Ферид Вагъабовакайни куьруь ихтиллат авун кутугнава. Хейлин йисара хуьруьн школада аялриз ингилис члалан тарсар гана, алай вахтунда лайхлу пенсияда ава. Ам чи газет клелзавайбуруз фадлай таниш журналист я. Ф. Вагъабова 8 веледдиз тербия гана, шегьердал акъуднава.

Белки, Жонридан вичин бубадилаи чешне къачуна, малимвилин баркаллу пеше хъана. Хуьре агалкъунралди юкъван школа куьтягъай 1999- йисуз ам информатикадинни ингилис члалан малимдин пешедай ДГПУ-дин физикадинни математикадин факультетдик экечна.

Вуздани анжах хъсан къиметар аваз клелай желегедин хъсан пешекарди кхей дипломдин кваллахни тафаватлуди хъана. Эхиримжи курсара клелай вахтунда ам школайрин члехи классра клелзавайбур патал ингилис члалай махсус рабочий дафтарар арадал гъунал машгул хъана. Дипломдин кваллахни ада и рекъий кхъена.

ДГПУ-дин физикадинни математикадин факультет-



дин деканатди агалкъунар авай жегъил пешекардиз кваллахал акъвазун ва клелунар мадни давамарун теклифнатлани, Жонрид вичин бизнес-проектар къилиз акъудунин мураддалди Новгород ва Санкт-Петербург шегьерриз фена. Ватандай гурбатдиз феий вахтунда сифте нубатда вичин кваллин ва яшайишдин месэляяр гъялайдалай къулухъ ам малимвилин кваллахдив эгечна. Гуьгъуьнлай ам вич гъавурда акъурла, малимвилин пеше адан тебятдик квай майилвал я.

Жемятдин краара иштиракиз вердиш хъайи жегъил 2008-йисуз Санкт-Петербургдадин Адмиралтейский райондин мергьяматлувилин клубдик волонтер яз экечна. Гуьгъуьнлай ина 2011-йисалди социальный къуллугъчи яз кваллахна. 2012- йисуз ам

мад малимвилин пешеди вичел ялна- махсус коррекционный школада ингилис члаланни информатикадин тарсар гана, алава яз социальный малимдин везифарни тамамарна.

Келунин, мадни дерин чирвилер къачунин макъсаддалди Жонрид Вагъабов РФ-дин Президентдин къвалав гвай государстводин къуллугъдин академиядин магистратурадик экечна ва 2015-йисуз « Развитие социальной работы в субъектах РФ (на примере Санкт-Петербурга)» темадай диссертация хвена.

Хизанриз ва аялриз яшайишдин рекъий куьмекар гунин центрадин (ЦСПСиД) директордин къуллугъдал тежриба кватлуналди, социальный кваллахар хъсанарунин карда вичихъ авай мумкинвилер ахтармишна.

Жемятдин краарикай ам исятдани къерех хъанвач- Санкт-Петербургдадин Московский райондин ТИК-диз куьмекар гузва, сечкийрин участокдин комиссиядин председатель я. Ада Санкт-Петербургда авай лезгийрихъ галазни алакъяяр хуьзва. Жегъил малимди хизанда хъизни рушаз тербия гузва.

Государстводин ва муниципальный краар идара авунин магистрдин дережа къачунвай жегъил пешекардиз и рекъий мадни клелун давамардай ният ава. Амма нубатдин сеферда ада вичин илимдин кваллах хайиди тир Магъарамдхуьруьн райондихъ галаз алакъалу ийида. Гележегда адаз ватандиз хкведай ва хайи ерийра зегьмет члугвадай къаст ава. Къуй адахъ фикирдик квай вири краар агалкъунралди къилиз акъуддай мумкинвилер хъурай!

ХАБАРРИН КИМ

ХЪСАН ГЕЛЕЖЕГ ФИКИРДА АВАЗ



АЛАТАЙ гъафтеда, «Магъ-арамдхуъруьн район» МР-дин кыл Фарид Агмедова вичин квалахдин юлдашдив

Астрахандин областдин ва Калмыкия республикадин хатасузвили федеральный кьуллугьдин Пограничный уп-

равлениедай хтанвай награда вахкана.

Райондин регьберди ватанпересвилин гьиссералаз рухваяр, Ватан хуьдай лайихлу офицерар тербияламишунай, Ханов Фурман Гюльба-лаевичав «Астрахандин областда ва Калмыкия республикада авай Россиядин ФСБ-дин Пограничный управлени-един 15 йис» риклел аламукь-дай лишан вахкана.

-За фикрзавайвал, буба патал виридалай хъсан награда- Ватан хуьдай лайихлу веледар хьун я. Абурун районэглияр хьунал за шадвал-зава, кьуй абурухъ чандин мягкем сагъвал, агалкьунар ва уьмуьрдин хушбахтвал хьурай,- лагъана райондин регьберди.

ДАГЪУСТАНВИ ГЪАЛИБЧИ

И ЙИКЪАРА «Зи уьлкве-зи Россия» лишандик кваз кыле фейи вирироссиядин конкурс-дин виридалай машгур «Зи педагогикадин инициатива» номинациядиз хейлин проектар рекъе тунвай.

Онлайн- форматда кыле фейи проектар хуьнин нетижа-да 15 кас гъалиб хъана. Абурун арада дагъустанви Зайнодин Расулов авай. Зайнодин Расу-

лова Д.Ф.Устинован тиварунихъ галай Балтийский гьукуматдин технический университетдин аспирант я.

Адан обществада социальный рекъяй важиблу дегишвилер тунихъ, Дагъустандин аялрив алай аямдин образованиедин программаяр агакьардай мумкинвилер гунихъ элкьурнавай проектри лайихлу чка кьуна.

ШКОЛАДИЗ ГЪАЗУРВИЛЕР



ДАГЪУСТАНДИН пенсионный фондунай 6 йисалай 18 йис жедалди яшда авай аялрин хизанриз цийи келунин йисаз гъазурвал акунин гъакъиндай тестикъарнавай 10 000 манат пул ягъунив эгечнава.

Сад лагъай юкьуз регионда 367 596 аялдив и куьмек агакьнава.

Гъакни ихътин куьмек, набутвал авай, сагъламвили рекъяй са кьадар четинвилер ацалтзавай, 18 йисалай 23 йисалди яш авай аялризни гуда.



ИНСАНДИЗ ВИРИДАЛАЙ КАМАЛЛУ ТЕРБИЯЧИ ХАЙИ ЧІАЛ Я

XXI АСИРДИ Россиядин Федерацияда ООН-дин ЮНЕСКО-дин Генеральный конференцияди вичин 30- сессиядин кьарардалди 1999- йисан 17- ноябрдиз кьабурлай ва 2000- йисалай «Хайи чаларин югъ» кардик кутун кьетІ авурдалай кьулухъ, школадин уьмуьрда алаатай девирра такур, гьиле такьур чалар еримлу авунин, чирунин ва хуьнин члехи мумкинвилер ачухнава. Гьадахъ галаз сад хьиз ООН-дин Генеральный Ассамблеяди вичин кьарардалди 2008- йис «Дуьньядин чаларин йис» яз малумар авуни вири халкьарин руьгьдик юзун кутунай. Гьар йисан Февралдин 21 дуьньядин халкьарин гьар са хайи члал вири чаларин арада барабар ихтиярар авай надир (уникум) затІ яз, инсаниятда дири яз, хуьз ва икрам авуниз лайих имарат яз, мажбури тирди гьисаба кьунва.

Чаларин иесийри чалар геьеншарунин гьар са кам, ам дериндай еримда тун, чалан меденивал, дуьньядин чаларин адетрин кьайдайралди халкьарин, инсанрин арада садвилерин эрзиманар агуддай рафтарвилерин ва сада муькуьди эхи авунин шартІар арадал гьунин суьгьбет (диалог) хьун лазим тир серенжемар тухун мажбури авуна.

Члал инсанрин алакьадин, бажарагьдин ва кьатІунрин алат яз, гьа авайвал аннамишиз тазвай, ам алаатай, кьвезмай ва алай девиррин шикил я. Гьар са члал вичин тарихдалди девлетлу я, анжах гьа халкьдин надир имарат я. Хайи члала вич арадиз атай йикьалай вичин веледдик- инсандик

вичин эсерлу ва кьетІен кьилих кутазва. Инсанди маса гьикьван члалар чирайтІани, сифте чанда гьатай адан хесет хкатдайди туш. Гьавиляй гьар са халкь вичин милли медениятдалди, тарихдалди, адетралди ва члалалди кьетІен я. Члала хуьзвай адан и дибарни саламатдиз хвена кланзава.

Инсанвал хуьнин куьлег миллетдин члал кваз кьун ва адаз гьуьрмет авун я. Гьар са члал вичин иесийрин адетрин асул бине ва диб я. Идиб хуьнин карда зун хайи лезги члал лезги байлаириз чпин гележегда лезгиди

«Хайи члал» тІвар алай гьи халкьдин гьи шиур веревирд авуртІани, абурун тема члалакай рахунилай эгечІна, хайи халкьдин кьисметдикай ва эдебдикай фикирдал элячІна, хайи чилиз, Ватандиз вафалу хвавилини гьиссер ачухарзавай бур я.

хьиз хуьн ва ишлемишун паталди зи везифаяр гьихьтин бур я ва вуч авун лазим я? - суал гьар са пешекар малимди вичин вилик эцигун лазим я.

Кьенин школа тербиячивилин члехи везифа таммарун фикирда аваз цийи ва кьадимлу рекьер жагьуриз алахьзава. И рекьерикай члехи метлеб авайди тарсуна клелзавай эсердикай аялди вичи вуч аннамишзаватІа, гьикьван аял вичин тербиячи яз арадиз кьвезватІа, адакай эллик патал гьикьван кьиметлу инсан жкатзаватІа, гьадалай аслу я.

Малимди вичин тарсарин кьетІенвилер ишлемишиз, аялриз чпиз чеб кьалуриз, абурун фикиррин хцивилини тариф ийиз, яшайишдин тІал алай месэлайриз дуьз жавабар гуда, яшайишдин татугайвилер арадал гьизвай инсанрин хесетар негь ийи-

да, виликан уьмуьрдинни цийидан арада авай зидвилер дуьздал акьудиз, аялрин зигьиндиз таьсир ийидай делилар веревирд ийида. Кьедамаз аялриз намус, гьейрат чир тавуртІа, адалатдин кьиметдин тІеамдин дад кьалур тавуртІа, абуруз уьмуьрдин шегьреда четин жедайди гьамиша фикирда хуьда.

Малимди вичин тарсара аялди ийизвай таьсир гьамиша гуьзчивилик кутада, предметди аялдин кьатІунрин алакьун, агалкьун гьикІ хьсанвилехъ дегиш жезватІа гьисаба кьада. Ада аялди вичи вич вердишарун кьиле тухудай рекьер предметдалди кьалурда ва классда кІвалахзавай муькуь малимрихъ галаз саналди дуьз геле тваз зегьмет чІугвада.

Хайи литературадин малимди сифтедамаз, тербиядин серенжемарив эгечІдалди вичин кІвалахда ихьтин са шумуд эрзиман- месэла эхцигзава:

- аял вичи вич вердишардай фикирдал гьун;

- аялди вичин ва юлдашрин уьмуьрдал фикирдай чирвал гун;

- инсанвилини дережадин чешме хьягьиз чирун;

- аялдин акьулдин, инсанвилини дережадин, зегьметдин, зигьиндин ери жкаждай рекьер кьалурун.

«Зун зи тербиячи я», «Вучиз закай зи тербиячи жедач?», «Жувакай инсан жува авуна кланда», «Уьмуьр инсандикай итим ийизвай чад я» хьтин темайрай тухузвай гьвечли сочиненийри хьсан нетижаарни гьизва.

Фахрудин НАСРЕДИНОВ.

ЧАЗ гъеле аял вах- тарилай малум тирвал, гатун циг яни июлдин варз алукуайла, гъвечи - чехидан рикI алай халийрин сезон башламиш жезва. Ачух, дуьзен чкада, дуьз вичин кьенцик дигмиш хъанвай халияр июлдин вацран юкьвалай алатайла жезвайди я. Эхиримжи йисара, къадардилай артух чимиви-

цессдиз, реакцияриз яд герек я. 90 -95 процент цикай ибарат тир и емиш сагъламвал патал лап хийирлуди яз гъисабзава. Халидик суткадин вахтунда инсандин бедендиз чарасуз С, А ва В дестедин витаминар, калий, магний ква. ГъакIни, рикIин уьзуь- рар авайбуруз хали иш-



къадардиз жкидай мумкинвал гузва. Амай витаминри ва минералри рикIин сагъламвал мягъ-

ГЪАФ ХИЙИРЛУ ЕМИШ

лер хъуникди сезон са къадар фад алукузава. Амма чи базарра халияр хъуьтIуьн вахтунда ни аквазва. Гъелбетда,

лемишун меслятзава.

Ахтармишунри къалурзавайвал, халидик квай ликопин каротиноид-антиоксидантди беденда

кемарзава. Халидик квай А витаминди инсандин хамуниз ва чIарариз хъсан таъсирзава ва хуквадин кIвалахдизни бегъем куьмек гузва. Спортдал машгъулбурун мускулра тIал гъатайла хали ишлемишун меслятзава.

Эхиримжи йисара чи райондани къилди ксар, карчийр халийрин салар цунал машгъул хъанва. Къенин юкъуз райондин хуьруьн майишатдин управлениедин делилрай малум хъайивал, районда 17 гектардин майданрай 459 тонн къарпузар ва гатун халияр кIватIнава. Яни 1 гектардай 270 центнер хъанва.

Им, гъелбетда, еке агалкъун я. Жуван чилел химиядин затIар галачиз битмишарнавай михьи продукт ишлемишуни сагъламвал мягъкемардай мумкинвал гуда.

А. АЙДЕМИРОВА.

вичин сезондилай къерехдай гъи майва, емиш хъайитIани, химиядин шейэралди битмишарзавайдал са шакни алач.

Хали- им серинвал гузвай ширин амма калорияр тIимил квай емиш я. Инсанди тIуьр затIар иливардайла организмда жезвай про-

авай холестериндин къадар ва ивидин давление агъузардай мумкинвал гузва. ГъакIни, халидик квай цитрулин лугъудай аминокислотади инсандин бедендик квай азотдин оксид хкажзава. Азотдин оксидди дамарар гегъеншарзава ва ивидин давление вичин



Чубарук

— АЯЛАР ПАТАЛ —

ДАХДИ ГАФ ХВЕНА

ЗУН дяведин аялрикай я. Миллионралди зи таяр-туьшерин аялвал туькьюьл, атлугъай, магьрумвилерин азиятар гъайи дяведин йисарал ацалтна. А йикъар рикел хтай гъар сеферда заз чи хизандин виридалайни багъа ядигарар: ранг фена хъипи хъанвай шикилар, гъайкал хъиз кватнавай пуд пиплен чарар, сур хъанвай газетар гъилелай авун адет хъанва. Абурун арада чи дахдиз дяве башламишдалди орден аваз гайи яру кватини ава. И кватида гила мад са орден ва гзаф къадар медаларни ава. Абурукай сад «Зегметдин ветеран» медаль зид я. Яргъал йисара хъсандиз зегмет чулунагъанвай медаль я ам заз. Сифте сеферда чи дах армиядай хтайла адан хурудал алай пуд медаль акурла зи кефи чулур хъанай. Гъатта дакланни хъанай заз. Жечни! А йисара кьериз-царуз чи гъиле гъатзавай газетрай хуру чулунал къван орденрини медалри клевнавай инсанрин шикилар аквазвай, дахдин хурудал алайди анжах пуд тир. Гзаф йисар алайла, жув пенсиядиз экъечдайла гъавурда акъунай зун-ви хурудал орден ва я медаль жедани-жедачни валай ваъ, са нелай ятлани масадалай аслу тирди...

Гатун ракъинин инсафсузвилелди кунизни килиг тавуна, колхоздин келемдин сала кваллах кызгъин я. Лацу-цару читинин перемар алай дишегълийри къаст авуна келемриз керки язава. Квалах кызгъин ятлани, инсанрик шадвал, гевес квач. Арабир инлай-анлай сефил манидин зайиф сес акъатзава, амма тереф хуьдай кас тахъайла гъамни бамиш хъижезва.

Квалахзава дишегълийри кисна. Анжах керкийри ванзава: тап-тап-тап. Анжах рикл къекъезва яргъара-вилиз такур, дяведин ялаври къунвай таниш тушир рекъера. Итимар квалаяй экъечна дяведиз фейидалай инихъ гзаф варцар алатнава, амма чпикай са ван-сесни авачир-бур гзаф я. Ара-ара агакъзавай хабарарни вири хуьруьв яс къаз тазвайбур я. Гъавилаяй иниз патай са кас атун, иллаки дяведай хуьруьнви хтун лап члехи вакъиадиз элкъезва.

Квалахзава дишегълийри кисна. Анжах керкийри ванзава: тап-тап-тап. Йигин я квалахдин ериш. Тап-тап-тап... Бейхабар салан кьерехдила акъатай къати сесини вири къатна: «Мирзе дяведай хтана. Мирзе малим хтана...»

Са легъзеда сал ичли хъана. За къуд патавил экъуьрзава. Сала амайди келемдихъ квалач галклана ярх хъанвай са зун я.

Зун чи члехи квалалин ракларал акъваз хъана. Цларивай циргъяна дишегълияр, квалалин вини къиле цлав игисна эцигнавай столдихъ къве итим ацукънава. Абурукай сад чи члехи ими, муькуьди-дяведин парталар алай кас, заз чин тийидай са халу я. Бес дах гъинава?

-Гъикл хъана, хва, ваз дах чир жезмачни? - хабар къазва завай хуьруьн кваз дяведин парталар алай халуди. Гила чир жезва заз ам дах тирди. Зверна фена гардан къазва. Ада зун жажна метел ацукъарзава.

Гъа и арада тир заз хурудал алай медалар тимил яз акурди, гъа и арада тир дах дяведай сагъ-саламатдиз хтунин шадвилехъ галаз санал медалрин тимилвили къагъурни гъайиди.

Гъар гъикл ятлани, дах дя-

ведин цаярай сагъ-саламатдиз хтанвай. Им а вахтунда дуьньядал виридалайни члехи бахт яз гъисабзавай.

Са къве базардин йикъара дахди квалалин къайгъуяр авуна. Жугъунар дуьзар хуьвуна. Сала къайда тунна. Са къве фургъунда авай цлам-кларас гъана.

Август эхирдиз къезвай. Муьквара тарсарни башламишун герек тир. Гила дахдин йикъан члехи пай школада акъатзавай. Бахди колхоздин квалахдила хтайла нянихъ лампадин экъуьнал чи пекпартал рапунилай ийизвай, школадиз чи гъазурвал аквазвай. Ихътин йикъара заз акл тир хъи вири дуьнья секин я, дяве куьтягъ хъанва.

Амма са экъуьнахъ вири цийи къилелай башламиш хъхъана. Ахварай аватай заз дах мад гъа аскердин партал алаз акуна. Квалалин муьквацилияр, къуни-къуншияр кватл хъанвай. Бахди сив рахан тийиз дахдин шейэр, фу-къафун ранг фенвай са турбада твазвай. Адан чин акъван чурузвай хъи, садавайни ам диндирмишиз жезвачир.

Захъни суалар гзаф авай. Амма зи туьтуьна са вуч ятлани акланвай хъиз тир заз. Ада заз рахадай мумкинвални гузвачир. Амма вуч ятлани са нагъакъан кар хъанвайди къатлизва за. Эхирни дахдиз зун авай гъал акуна. Ада зун къужахламишна ва секинвал кутадай инанмиш сесиналди лагъана:

-Душманди чи дагъларихъ ялзава, хва. Ам акъвазарун патал зи куьмекни герек хъанва. Гъавилаяй зазни армиядиз эвер хуьвунва. Хъсан гада хуьхъ. Бахдиз яб це. Душман кукварна дах куь патав геж тавуна хкведа.

Дахди, гъамиша хъиз, и сефердани гаф хвенай. Душман Кавказдай чукурайла ам яшлу я лагъана мад квалалин рахкурнай.

Фикрет ГЪАЖИЕВ.

СПОРТ

ЧНА ДАМАХЗАВА



5-АВГУСТ чи уьлкве, республика патал шадвал ийидайди хьана. Токиода кыле физвай олимпиадада, кьве дагъустанвиди чи уьлкведин кьватидиз кьзилдин медалар гъана.

Боксдай финалдиз акъатай

Альберт Батырзаиева вичин заланвилдин категорияда (57 кг) американви Дьюк Рейганан винел гъалибвал къазанмишна. Къизгъин женгина 3:2 гьисабуналди гъалиб хъайи чи кьегъал хва Альбертакай олимпийский чемпион хьана.

Спортдал рикI алай гъар са кас патал Заур Угуева къазанмишай кьзилдин медалдни гъузетзавай пишкеш хьана. М.Батырован тIварунихъ галай Хасавюртдин спортшколадин тербиячи Заур Угуева финалдин женгина вичин алакьунар ва гъазурвал къалурунин нетижада

олимпийский чемпион тIварцIиз лайихлу хьана. Финалдин женгина ам индиядай тир Рави Кумаран винел гъалиб хьана.

Ихътин важиблу гъалибвилер къазанмишуналди дагъустанвийри чпин тIварар уьлкведин тарихда туна.

**ИНФОРМАЦИОННОЕ СООБЩЕНИЕ**

В соответствии с распоряжением администрации от 04.08.2021 г. №188 об отказе проведения аукциона на право заключения договора аренды земельного участка из земель сельскохозяйственного назначения

В соответствии с ч.4 ст.448 Гражданского кодекса Российской Федерации от 30.11.1994 г № 5-ФЗ, п.2, ч.8, ч.24, ст. 39.11 Земельного кодекса Российской Федерации от 25.10.2001 г. № 136-ФЗ, администрация МР «Магарамкентский район» приняло решение об отказе проведения аукциона на право заключения договора аренды земельного участка из земель сельскохозяйственного назначения с раз-

решенным использованием : для ведения личного подсобного хозяйства с кадастровым номером : 05:10:000029:580, площадью 3189,97 кв.м., расположенного по адресу : РД, Магарамкентский район, с. Приморск, назначенного на 19.08.2021 г.

1-ый Заместитель главы администрации МР «Магарамкентский район»
Ф.Э. Рагимжанов .


О временном приостановлении диспансеризации

Магарамкентский филиал ТФОМС РД информирует о том, что в целях обеспечения охраны здоровья населения и снижения рисков распространения новой коронавирусной инфекции (COVID-19) в республике приостановлена диспансеризация взрослого и детского населения, также углубленная диспансеризация лиц, переболевших коронавирусной инфекцией.

Все жители Магарамкентского, Ахтынского, Докузпаринского, Рутульского районов, которые приглашены на прохождение диспансеризации и профилактических осмотров в августе, смогут пройти диспансеризацию и профилактические осмотры после снятия ограничений, о чем будет сообщено дополнительно.

Магарамкентский филиал ТФОМС РД.

КРОССВОРД



Дуъз цларара:

1. Гаран хел. 2. Малар хъиядай чка. 3. Рух, адан са жуъре. 4. Ам галачиз уьмуър авач. 5. Ам галачиз дин авач. 6. Жалгъа. 7. Са дестедин ва я межлисдин къил. 8. Акъвазнавай цин чиниз ядай пехир. 9. Фагъум авачир авам. 10. Руьгъ (кичле хъана руьгъ аватун). 11. Парчадин са жуъре. 12. Яващдиз. 13. Лезгияр ятлани, районра, хуърера абур рахунин къетленвал. 14. Виридан.

Тик цларара:

1. Пешер авахънавай тар. 4. Са затлунихъ гузвай къимет. 6. Керпичрин чешне. 8. Са шакни алачиз. 11. Душмандин рехъ атлана акъвазун. 13. Наз гвай, дамах гвай. 15. Бязи набататриз ядай дарман. 16. Къуват, такъат. 17. Пичинал чрадай къелечл фу. 18. Мутлакь. 19. Гими. 20. Ерли. 21. Хажалат авай кас. 22. Шегъерда инсанар санай-саниз тухудай улакь.

КВЕЗ ВАН ХЪАНАТИА?

Зардаб /Азербайжан/ шегъердин 70 йиса авай агъали Миргъуьсейн Алиева гзаф инсанрин вилик къуншидин квализ гъахънавай мурдарар дуьаяр келлиз куьчедал акъуд хъууна.

Сифте ада капI авуна, ахпа куьчедал мелдал еке са круе чугуна, ахпа анжах са вичиз чидай дуьаяр келлиз-келлиз мурдарриз эвер гана. И агъвалат акурбуру шагъидвалзава хъи, са арадлай мурдарар сад садан гуьгъуьналлаз квалей экъечлиз куьчедал чугунвай кругдиз кватI хъана. Инсанриз абуру са зиянни ганач.

Миргъуьсейн Алиев аял чавалай мурдарар «сугъуьрда» тунал машгъул тир. Ада и кар Аллагъдин патай вичиз ганвай пай я лугъузва.

Суткадин гъи вахтунда хъайитлани, чилин шардин гъи пипле клантлани адавай ягъалмиш тахъана мукъварие мурдарар гвани, гвачни чириз жеда.

Миргъуьсейн Алиев мурдарар терг авуниз акси я, ада инсанриз мурдаррихъ галлаз дуствал авуниз эвер гузва.

Тагъирхуьруьн къазмайрин СОШ-дин 11- класс куьтягъайдан гъакъиндай 1996- йисуз Алимерданов Зейналаз гайи А 0108423- нумрадин аттестат квахъуниз килигна **къуватда амачирди яз гъисабин.**

Къилин редактор
Р. АБДУРАГЪИМОВ.

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче, 4.

Газет гъафтеда садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Учредитель: Администрация муниципального района «Магарамкентский район».

Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал къул чугуна- 15.00.

Газетдин регистрацйадин нумра- Д 0174

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче, 4. Лезги чIал.

Индекс 63340. Тираж 1400
Заказ № 32.

6+